

¿Briligotjam nat STANDARES tamdigot y por qué son tan IMPORTANTES?



Otda jareglaot naa proyecto jatquedrgjeeya jatminrglig naa jabigshañó it jeo jatminrglig jaijajeojeeya juglé wrijin, catjá yudargjeeya poi nat comunidaot wrijin.

REDD+Mataven jri 30 wigla itshibebya,
otdca nat itjashibebya tamdigot verra:

1. Carbono itdugprn juidurügjet
2. Jacaiyu niti, comunidad, jajunugjet mujuyú (CCB) oyem
3. Mujúyu jajaá naa SDVista

Ot nat jareglaot pishicawagotda ot jayecani naa ryú cajeishrm otda jainot shrrgot

ESTÁNDAR VCS



Otda nat jareglamentoot bipinrt rjetjaligú jatbe-r, naa jiim ieb irig wryú tejá naa tam dig yerena jet emisiones de gases de efecto invernadero (GEI) rjetjaligú poi jatbe-r naa jacáyu naa wryú.

ESTÁNDAR CCB



Otda poi brt ja-reglaot ijeinugot it jájeoot jaijájeoyu ñawaná jajeijee:

- Jacaiyuwryú: jawairüyú jawoonrg naa GEI.
- Comunidad: cajug poi jeiyat nat comunidad wrijin naa casualud jet.
- Jajunugbayúmujuyú: caijajeowat nat jrlugot oipoi nat pulot naa niti jaa calig.

ESTÁNDAR SDVista



El Estándar Impacto Verificado de Desarrollo Sostenible (SDVista en Inglés) otda poi brt jareglaot irigot jaligcá, otda jet japishiiwagot rjet jaligú jajuijadurü-r naa jabeo oje jajrrinalilouni rjet jaligú jajutánu poi oyem, japishiipoiwagcat catjayudarglig nat epinot cajuyú tee jaa naa niti jaa bijug wrijin.

¿BRILIGJAM NAA MUBEB MUJUYÚ IMINRRYÚ?

Naa oje tamdigjri olawitep oo naa iibebyu (cat-ibebyu nat pulot, wrijin poi nat irigot jugl' r tee, opoi oyem paratá iboryú, wrijin naa tecnología oyem) pishi-iwgagjet jaiboryú muttriot jrryat, mujrtwaat poi, ot nat iyugot biprnat cajug jeeya poi ijeijet. Natda jatecoon yryúot:

Naa mubeb iminryujri olawi jaliyú molicá naa iieo, mujatanuyu ijeijet mujuyú tee, oyatjri oyawí ishiribrrgya birat oyem dun bijuprttá.

Jai-ijeuyu naa juglé wrijin

Jai-ijeuyu naa juglé wrijin, purot, rt, jrlugot poi oyem

Mujuyú ijei trrmu mujai-iwauyu ijeijet imin-ryu

Jabijeo trrmjanibr cabigshañó liglig nat epinot, carrgcabryegjee wrijin catojani, jalibrrgjeeya poi calat naa itjeo oyem.

Cabeb cashiminrg jet cajugcá

mubeb iminryu cajrriyat nat epinot, jalibrgjeeya calat wrijin briligjaligú itjeo, oyatjri jatshishan-ebrrtya naa juglé jamo.

SDVista otda jet ebujabebot nat 17 mubebyu jrinaot (ODS) it jaminrgotdi naa ONU at naa 2015 wig tee. Jabigshañó jri jatjeo jatberglig naa mu-úbityu njaa wryú tee, oyat bri jabigshañó jri jatjeo nat epinot cajuglig ijeijet brirutshrt calicá ieb wrijin.



¿Briligshrm jajei naa SDVista naa REDD+Matavenat?

- ✓ **Rjetdájamo:** Ola jacertificado brrm oola imog jaquedrgla jabebdig ijeijet, jatminrg ijeijet jabeo.
- ✓ **Jarecursoot:** oola jacertificado brrm, jatwaurgjee jamí naa carbono, omda poi jajuta shinuya naa cabeb jai-ijeoyu naa juglé, nat poi jrlugot, pulot poi, epinot poi oyem irigot jatee naa niti.
- ✓ **Jet-rjetjamog:** jaijapin rjet naa proyectoat jatrrmrgligcatwiat naa jiib ieb, oyat naa jacaiyu japoibegcat, wrijin naa jajunugjet mujuyú poi, otpoi nat comunidadot oyem cajug poi jeiyat.
- ✓ **Jami-itwauurg:** jajutanúg ijeijet, jatjeo jamicabrrrglig naat epinolat jaññicapoirug oyem jabigtan shrrgshrm naa jabeo, oshrm da jatjeo jatyudargshuglig nat brlat patjei.

